

quadratam & cubicam figuram constituentes; Wolff. Senguerd. *Pb Nat. part. I. cap. 20;* & majori condensandi & coagulandi vi pollent, exemplo aceti sero lactis affusi & præter hoc innumeris aliis. Ipsa fragilitas corporum quæ non nisi in arctiori particularum cohæsione, adeoque pororum firmiori constrictione consistit, de talium testatur præsentia; admitionem talinarum particularum fragilem corpori inducere naturam Morhofius *de scyp. Vit. c. 2. §. 3.* habet, & in §. §. dum à sale vitri fragilitatem dedit, confirmat. Jam si eandem, quam in antecedenti paragrapho ratione pororum comparationem inter majus & minus, concludendo à majori ad minus, instituere debeamus, quod jure fieri potest, de dubio veritas triumphabit. Extremo adhuc digito eastangam probationes, quas chymica nobis analysis per ignem dat: Lectorem ad ea experimenta remittendo, quæ laboratorii Præsidibus ob quotidianam quam exercent encheiresin, communia sunt, sive per incinerationem è vegetabilium sat tenacibus corporibus, sive è calcinatione exemplo tartari, corallorum &c: sive etiam per destillationem è retorta, exemplo salis succini, it. cornu cervi, gradu ab aliis differentium, quod sulphuri exaltato subtili juncta sint, experta habere velis.

## §. 7.

Sulphureas denique Viscidi particulas quod attinet, non nego a terrestribus, æqvæ ac aquosis eas subjugari. Si vero, quod monendum censeo, sulphur & sal volatile in animalibus convenire, consideremus, quatenus sc. è sanguine humano inspissato & condensato spiritus volatilis urinosus lege artis extrahatur, nullum restat dubium, quin absolute dicamus; in sanguine etiam congrumato & inspissato sulphureas esse particulas. Et quid Viscidum aliud est, si ea, qua nobis tractetur ratione? Serum est sanguinis coagulatum, particulas activas & purissimas è materia primi & secundi elementi secundum Cartesium conflatas seu sulphureas absconditas tenens, ita, ut manifestare se minus queant, quam libenter etiam hæ suis se liberare vinculis velint, sed intra receptacula visciderum, ut salia alias urinota omnia, inclusa manere cogantur; Ergo nudum quoque oculorum adspectum fugiunt, usque dum arte chymicâ difficultè quamvis negotio compedibus exsolutæ suis, vel sub scheme spiritus vel salis volatilis prodire possint. Exemplo sit

qua